

22
RECTOR
UNIVERSITATIS ROSTOCHIENSIS;
JOHANNES BAC-
MEISTERUS, D.

Med. & Sup. Math: Prof. P. Facult:
Med. Senior & p. t. Decanus,
ad meditandam piè

S. ANGELO.
RUM CUSTODIAM,
Ipso MICHAELIS

ARCHANGELI FESTO,

AO. MDCLXXXIV.

Omnes Omnium Ordinum ac Dignitatum CIVES
ACADEMICOS, quâ fas est ratione, ex-
citât ac hortatur,



Rostochl,
Typis JOH. WEPPLINGII, Acad. Typogr:



ASTRAMETARI S. ANGE-
LOS CIRCA PIORUM COHOR-
TEM, EOSq; ERIPERE è malo,
divini Psaltæ (*Ps. XXXIV, 8*) divi-
na vox est, quam Vestris hodiè, O
CIVES animis, jubente læta DIEI
solennitate, studiosius meditandam devotiusque
pervolvendam meritò proponimus. Excitat illa
quosvis CHRISTI in hoc mundo MILITES, ut
minus hostes timeant, potentes licet ac infestos,
imbecilliores tamen, quàm ut consistere sacrum
contra S. Angelorum cœtum possint, cuius tute-
lam sibi promittere certam habent, quotquot be-
nigno in cœlis confidunt Patri. Erigit eadem
timidos adversus pericula; solatur providos, ma-
gni momentires quoties suscipienda venit; munit
in Domino ambulantes, ad viam, latronum incur-
sibus expositam, cum descenditur: Digna proin,
cujus crebræ repetitioni inhæreant, quibus in-
signia DEI beneficia contemplari insignis
voluptas est. Sunt Angeli Spiritus; Dicti
alias ZEBAOth (*Gen. II, 1. Psalm. XXXIII. 6.*) à
כבד quod est turmatim, congregare ad militiam,
trans



58700

(33)

translatum postea ad alios coetus, ad stellarum
 phalanges; dicti item VIGILES (*Dan. IV. 17.*)
ἀρχαί, ἐξουσίαι, δυνάμεις, ἰσχύες, κυριότητες : (*Rom. VIII.*
38. Eph. I. 21. &c.) Creati in veritate, ad veritatis per-
 severantiam, intelligentes, liberi voluntate (vid. B.
Dannh. Hodos. p. 279); atque ii quidem, quos hic
 respicimus, boni adhuc inque Bono confirmati,
 ut deficere inde nequeant. Cogitate, quantum
 inde honos nobis oriatur, tantis quod gaudeamus
 ministris, tam excellentibus quod cingamur sa-
 tellitibus. Scilicet, praeter Gloriam, quam DEO
 debent, ad Ministeria Eidem, ipsi quoque jubente,
 hominibus, exhibenda, nec non ad custodias his
 praestandas ordinatos invenimus Angelos. Vix re-
 perias (verba B. Dannhaueri recito *Theol. Consci-*
ent. Tom. Poster. p. 127.) qui cum omne vitae suae
 curriculum memoriā peragravit, non potuerit
 mirabiles ductus, symptomata, casus, memora-
 re. Est, (ita pergit idem) quem nemo me ipso no-
 vit melius, qui in peregrinatione, cum a Croatis
 tota urbecula spoliaretur, in caupona omnia ad
 pulvisculum usque expilarentur, in cubiculo inde-
 prehensus mansit ac ἀνλθ: qui in torrentis impe-
 tum illapsus, vidit equum unum a curru lorisque
 solutum suffocatum, se tamen unā cum Comiti-
 bus, curru in mediis aquis subsistente, salvum:
 quā ope? non vidit, habuit tamen. Qui in prae-
 dones

donec milites incidisset, nisi currus, fractus reparandus, longiorem moram, quam ordinaria vectura, exigebat, exigeret; incolumis postea acturus operientes fefellit. Est qui gregi Taurorum in angusta platea obviam factus, in vicinam domum aperta janua se abditurus, gregem canibus irritatum habuit sequacem, cornibus impetendus, nisi scala, subvenisset. Fortunam hic vocat ratio, quam meliori titulo ornat Christiana Lux, (hactenus ille), ad CUSTODIAM manuducens ANGELICAM. Audiendus hic Lutherus: Discendum est, Deum demandasse quemque hominem pluribus Angelis, sicut plures Diaboli sunt, qui ipsi insidias struunt; quorum hi, si alia non valent, vel mala inspirant somnia, vel mendaces per linguas infensant, vel quocunque alio modo, quicquid boni intenditur, impedire, quod possunt, non cessant. Cave verò ne Ethnicis hic similis vivas, qui paria ferè vident & experiuntur, sed ea forte fortunâ fieri, sibi persuasum habent: Tu, ubi ponderare incipies, rectius dixeris: Hoc fecit, hoc procuravit hostis ex inferno, calumniator pessimus. Vicissim, ubi evenisse boni quid adverteris, dices: habuit hic Angelum Bonum Comitem, minus aliàs dextrè res cecidisset, (vid. Megalandr. in der Hauß-Postill. unde verba hæc h. m. referre libuit), Tantum est, Ange.

Angelicis circumdari cohortibus. Mirare in ipsis sum-
mam, quæ pollent, **POTENTIAM**: quam & pleræque ap-
pellationes, quibus divinis in libris cohonestantur, evi-
dentissimè demonstrant. Quod enim Seraphim (cele-
berrimi Viri verba recito) præterea & Cherubim dictos le-
gimus, in altero Ignis significatio latet, elementorum, quod
Physici docent, efficacissimi; in altero florida Juventutis,
quæ ætate maximè viribus pollemus, sumusque ad rem
gerendam expeditissimi; juxta veterem Græcorum ver-
sum, quò senum esse statuitur, faustis appreciationibus suc-
cessum rerum gerendarum Deo commendare, statæ æta-
tis virorum prudenti Consilio modum actionibus præscri-
bere, juvenum verò strenuè negotium exequi. Quo fa-
ctum videtur, ut, si cui visibilem sui imaginem ostendere,
placuerit Angelis, aut igneum corpus induerint, aut ro-
busti adolescentis faciem sumpserint, aut certè aliud quod-
piam sensibus objecerint potentiaæ documentum, veluti
curruum & equorum speciem. Ne dicam, ut tales es-
sent, Dei omnino Majestatem exposcere, cum nemo
credere possit, principem de satellitio laborare, ut quibus
corporis sui custodiam committat, selectissimi sint & ex-
ploratae virtutis, Deum quos habet stipatores, non curasse.
Magna omnino Angelorum potentia est, ut si à Deo disces-
seris, qui mirabilia solus facit, proximum, immenso qui-
dem intervallo, sed proximum tamen tribuere locum spi-
ritibus beatis liceat, quos, cum eorum uti Deus ministerio
vellet, muneri suo ut pares essent, mirandis ornavit facul-
tatibus. Mirare ipsorum, quæ piis adsunt ubivis loco-
rum, præsentiam. Est quaestio inter Scholasticos: An An-
gelus Bonus Cor hominis obsideat? idque post Thomam
Aquinatensem asserit Caspar. Sanctius ad Zach. I. non ablu-
dente Drexel, in Angel. Tutel. Sed benè Dannhauer. *Theol.*

Conscient. Tom. Posthum. p. 133. Absit, ut Spiritus S. Templum invadat occupetve ejus Minister. Malorum genitorum ea est impudentia, ut Sp. S. domicilium proprium, cor humanum penetrent, inspirent illi pravas cogitationes, intendant affectus; at spiritus Electi foris, ut apparitores Christi sponsi, quasi excubias agunt; quas, licet oculo sensuali non possimus, cum sint spirituales, istaque animadvertio nec temerè optanda vel cogitanda sit ex promissi defectu; oculo tamen fidei, verbi illuminatione satis firmato, quis est qui non advertat? Sanè, qui secum revolvat Davidico Apostolica dicta, certissimè concludet inde, omnem seu privatum hominem, s. populum timentem Numinis, in viis suis ambulanti, electum cœli hæredem, quasi civem Dothanæum, gaudere præsentia, angelorum propitiâ. Diximus Angelorum, ut alteri simul quæstioni occurreretur, quâ disputari solet, num quivis homo tutelarem suum Angelum habeat, quem coram semper vereatur. Habet, inquit modò allegatus Beatissimæ memoriæ Vir, habet satis, quos vereatur, cœlites, *oracustas & epoptas*, in Ecclesiâ maximè astites, ubi omnia verecundè & honestè geri fas est; Etsi non certum aliquem ac unicum sibi assiduum & quasi alligatum teneat. Hoc enim esset cum paganis fingere, quod nec propriâ vacet angulus ullus ab umbra. Sunt piis proximè gratioseque præsentis Angeli, promptissimi sanctæ cohortis Defensores. Sed mirare etiam ipsorum benevolentiam; per quam dulcissimum ipsis, juvare DEI Cultores inter homines; desideratissimum item aspicere mysteria rerum pro hominibus gestarum. Imò tam ampla est, ut, excellentioris licet sint perfectionis, ipsi sibi honori ducant, eorum gratia, quos quondam sunt nacturi sibi similes in cœlis, ministeria subire in terris. Quid ergo gratius hac voce: **CASTRAMENTARI**

TARI S. ANGELOS CIRCA COHORTEM PIORUM
EOSq; è malo ERIPERE, IIS promptissimè adesse? Surgat
Petrus, in Carcere è somnio excitatus, jamqve in tuto col-
locatus mentem exponat suam, *nunc*, inquit, *verè & re ipsa*
scio, Dominum misisse mihi Angelum auxiliatorem. Sur-
gant Debora & Baracus, edicantqve quos contra Cananæ-
orum formidabiles legiones habuerint sibi assistentes, stel-
las in ordine suo depugnasse prædicabunt, per quas An-
gelos haud præter rationem Vallesius intelligit, qui insoli-
tâ grandinum, imbrium, ventorum tempestate, implicue-
runt confuderintqve Cananæos, ceu in suis commentarijs
testatur Josephus. Surgant p̃y omnes, omnes castrame-
tari circa coetum Deo addictum S. Angelos confitebuntur:
ut non abs re cuilibet illorum immutato parumper Clau-
diani illo acclamare, cum viro pio devotoqve, liceat.

*O nimium dilecte Deo, cui mittit ab astris
Ipsemet armatas acies, cui militat aether,
Et conjurati veniunt ad prælia venti.*

Haud verò permittit jam tempus, ut in Castra prolixius
ingrediar, quæ circa, S. versari Angelos novimus, nec evol-
vere nunc historias valemus omnes, quæ adfuisse Christi-
anorum quibusqve, modo non restiterint ipsi, castris edo-
cemur; monere potius hæc dies quemqve Vestrum jubet,
ut, qui scitis ubiqve præsentēs piosqve defendentes S. Ange-
los, reverentiâ eos debita ut hospites excipiatis, ut comites
retineatis. Egregiè Bernhardus in verba Ps. 91. Angelis
præcipiet de te, monet: O quantam verbum hoc tibi debet
inferre reverentiâ! adferre devotionē, conferre fiduciam!
pro præsentia reverentiâ, pro benevolentia devotionem,
pro custodia fiduciam! Absit verò, dum isthæc insinuantur,
Angelolatria, quâ neq; prima voluit Ecclesia admittere: quò
facit Origenis locus &c. qui videri potest ap. Dannh. Christeid
Act. I.

Act. I. Theatr. I. Phænomen. IV. p. 175. Quid? quod ipsi hunc
adorationis honorem, hanc Deo debitam reverentiam re-
cusent Angeli, quos colendi modus non melior, datur quam
imitatio Angelicarum virtutum. Spectandum in Angelis,
quò voluntatem Dei, ut exactè norunt, ita sine morâ per-
ficiunt, sacrum obsequium, sedulòque orandum, ut fiat
voluntas Domini in terris, sicut fit in cœlis. Consideranda
in ipsis, quâ se eò magis demittunt, quò præstantioris sunt
naturæ, sincera humilitas, pariterque id agendum, ut nemo,
qui eorum vult consortio frui, altum sapiat, suave cuiquam
deneget officia, quò magnus ipse in sanctissimorum horum
spirituum oculis habeatur. Evehenda, quâ omni à spurcitie
abhorrent, venerabilis castitas, casteque vivendum & so-
briè. Deprædicanda etiam Concordia, devotio, similesque
virtutes, quæ placent ipsis, quas in nobis inveniri delectant,
has imitari fas est, si templum Domini censerì velimus, ad
quod festinent optimi Spiritus, quod contra insultus Dia-
boli fortissimè defensitent. Agite, ut, his conspicui, O Ci-
ves, dici queatis sponsa, Angelicis fulta ministeriis & super-
no stipata agmine incedens; agite ut vitâsse ex vero cre-
damini ea, quibus abigi abs hominibus solent, unâ cum
Deo, Deum secutæ cohortes Sanctæ. Huc enim redit
tandem omne, quod insusurramus vobis, dum, angelicam
ut meditemini custodiam, hortamur. Ponderate Bern-
hardi illa: Habetote familiares Angelos (O Cives incluti,
charissimi) frequentate eos sedula cogitatione & devotâ
oratione, qui vobis semper adsunt ad custodiam & conso-
lationem! Ponderate hæc & valete in Domino.
P. P. ipsò Michaelis Archangeli Festo Ao. 1684.
Sub Sigill. RECTORAT.,

